

Heinrich von Gutenberg bekennt, dass Bischof Heinrich von Chur ihm und den Söhnen seines verstorbenen Bruders Jörg den Zehnt zu Triesenberg sowie einen Zins von 4 Scheffel Korn auf dem Zehnt zu Triesen verliehen hat.

Or. (A), Bischöfliches A Chur, 014.1977. – Pg. 27,3/15,7 (Plica xx) cm. – Siegel von Heinrich von Gutenberg fehlt.

l¹ Jch^{a)} Hainrich von Güttenbergk¹ bekenn mit disem brief, das ich jnnamen min selbs vnnd l² als lehentrager Jörgen von Güttenbergs, mins bruders seligen, elicher sön von dem höchwirdigen l³ fürstenn vnd herren, hern Hainrichen, bischoue ze Chur,² minem gnedigen herren, zû ainem rechtenn l⁴ fryen lehenn in krafft dis briefs emphanen hann den zehenden am Trisnerberg mit allen rechten l⁵ vnd zûgehorden vnnd vier schöffel kornn vss dem grossen zehenden zû Trisen jârlicher gûltt, l⁶ was ich dann von rechts wegen daran empfaen sol vnnd mag, also das jch jnnamenn min l⁷ selbs vnd als trager mins brüders seligen elicher sönen Cristan, Jacob vnnd Hainrichs benanten l⁸ zehenden vnnd korn gûlt mit jr gerechtigkeit fûrohin jn lehens wys vnnd recht jnnehaben, jn- l⁹ nemenn, bruchen, nutzen vnd niessenn, darumb^{b)} sinen gnaden vnd stiftt diennstlich, gehorsam l¹⁰ vnnd gewârtig sin, sinen fromen fûrdern, schaden, vermidenn, verschwigene lehenn offnen vnnd l¹¹ alles das thûn, das ain lehennmann^{c)} sinem herren von recht vnnd sôlichen lehenn wegenn billich l¹² thûn sol, als ich des ainen aid zû gott vnnd den hailigen geschworenn hann, alles sinen gnaden l¹³ vnd der stiftt an jrn rechtenn vnnd lehenschafft one schaden. Des zû vrkund hann jch min^{d)} aigen l¹⁴ jnsigel für mich vnd die genanten mins^{e)} brüders süne gehennckt an dis reuers brief, gebenn l¹⁵ an zinnstag vor der vffart Cristi nach siner geburt tuseent vierhundert vnd jm acht vnnd l¹⁶ nûntzigistenn jare.

a) *Initiale J xx cm lang.* – b) *Mit einem Schaft zu viel (darunnb).* – c) *Mit einem Schaft zu wenig (lehennmann).* – d) *Mit einem Schaft zu wenig (nin).* – e) *Mit einem Schaft zu viel (mims).*

¹ *Heinrich von Gutenberg (Gem. Balzers).* – ² *Heinrich von Hewen (Hohenhewen, nw. Singen, BW, D), 1472-†1519/20, 1491-1505 Bischof von Chur.* – ³ *Triesenberg.* – ⁴ *Triesen.*